

摛藻堂四庫全書薈要

集部

欽定四庫全書會要

集部

御定全唐詩卷四百五十三

詳校官原任事
臣李斯咏

欽定四庫全書畧要卷一萬七千八百五十七

集部

御定全唐詩卷四百五十二

白居易

詠興五首 幷序

七年四月予罷河南府歸履道第廬舍自給衣儲
自充無欲無營或歌或舞頽然自適蓋河洛間一
幸人也遇興發詠偶成五章各以首句命為題目

解印出公府

解印出公府斗數塵土衣百吏放爾散雙鶴隨我歸
歸來履道宅下馬入柴扉馬嘶返舊櫨鶴舞還故池雞犬
何忻忻隣里亦依依年顏老去日生計勝前時有帛禦
冬寒有穀防歲饑飽於東方朔樂於榮啟期人生且如
此此外吾不知

出府歸吾廬

出府歸吾廬靜然安且逸更無客干謁時有僧問疾家
僮十餘人櫪馬三四匹慵發經旬卧興來連日出出遊

愛何處嵩碧伊瑟瑟况有清和天正當疎散日身閒自
為貴何必居榮秩心足即非貧豈唯金滿室吾觀權勢
者若以身徇物炙手外炎炎履冰中慄慄朝飢口忘味
夕惕心憂失但有富貴名而無富貴實

池上有小舟

池上有小舟舟中有胡牀牀前有新酒獨酌還獨嘗熏
若春日氣皎如秋水光可洗機巧心可蕩塵垢腸岸曲
舟行遲一曲進一觴未知幾曲醉醉入無何鄉夤緣潭

島間水竹深青蒼身閒心無事白日為我長我若未忘
世雖閒心亦忙世若未忘我雖退身難藏我今異於是
身世交相忘

四月池水滿

四月池水滿龜游魚躍出吾亦愛吾池池邊開一室人
魚雖異族其樂歸於一旦與爾為徒逍遙同過日爾無
羨滄海蒲藻可委質吾亦忘青雲衡茅足容膝况吾與
爾輩本非蛟龍匹假如雲雨來祇是池中物

小庭亦有月

小庭亦有月小院亦有花可憐好風景不解嫌貧家菱

角執笙簧谷兒抹琵琶紅綃信手舞紫綃隨意歌

菱谷
紫紅

皆小減名也 邑歌與社舞客哂主人誇但問樂不樂豈在鐘

鼓多客告暮將歸主稱日未斜請客稍深酌願見朱顏
酡客知主意厚分數隨口

一作後

加堂上燭未秉座中冠

已矣左顧短紅袖右命小青娥長跪謝貴客蓬門勞見
過客散有餘興醉卧獨吟哦幕天而席地誰奈劉伶何

秋涼閒卧

殘暑晝猶長早涼秋尚嫩露荷散清香風竹含疎韻幽
閒竟日卧哀病無人問薄暮宅門前槐花深一寸

酬思黯相公見過弊居戲贈

軒蓋光煥地行人為喪回呼傳君子出乃是故人來訪
我入窮巷引君登小臺臺前多竹樹池上無塵埃貧家
何所有新酒三兩杯停杯欵曲語上馬復遲迴一本作
欵曲語

上馬從容
復遲迴
留守不外宿日斜宮漏催但留金刀贈未接

王山頽家醞不敢惜待君米即開瓶妓不辭出恐君駢
然咍

再授賓客分司

優穩四皓官清崇三品列伊予再塵忝內媿非才哲俸
錢七八萬給受無虛月分命在東司又不勞朝謁既資
閒養疾亦賴慵藏拙賓友得從容琴觴恣怡悅乘籃城
外去繫馬花前歇六遊金谷春五看龍門雪吾若默無
語安知吾快活吾欲更盡言復恐人豪奪應為時所笑

苦一作惜分司闕但問適意無豈論官冷熱

把酒

把酒仰問天古今誰不死所貴未死間少憂多歡喜窮
通諒在天憂喜即由已是故達道人去彼而取此勿言
未富貴久忝居祿仕借問宗族間幾人施金紫勿憂漸
衰老且喜加年紀試數班行中幾人及暮齒朝飧不過
飽五鼎徒為爾夕寢止求安一食而已矣此外皆長聲去
物於我雲相似有子不留金何況兼無子

首夏

林靜蚊未生池靜蛙未鳴景長天氣好竟日和且清春
禽餘哢在夏木新陰成兀爾水邊坐翛然橋上行自問
一何適身閒官不輕料錢隨月用生計逐日營食飽慙
伯夷酒足媿淵明陶潛詩云飲酒常不足壽倍顏氏子富百黔妻

生有一即為樂况吾四者并所以私自慰雖老有心情

代鶴

我本海上鶴偶逢江南客感君一顧恩同米洛陽陌洛

陽寡族類皎皎唯兩翼貌是天與高色非日浴白主人
誠可戀其奈軒庭窄飲啄雜雞羣年深損標格故鄉渺
何處雲水重重隔誰念深籠中七換摩天翮

立秋夕有懷夢得

露簾荻竹清風扇蒲葵輕一與故人別再見新蟬鳴是
夕涼飈起閒境入幽情迴燈見棲鶴隔竹聞吹笙夜茶
一兩杓秋吟三數聲所思渺千里雲外一作水長洲城

哭崔常侍晦叔

頑賤一拳石精珍百鍊金名價既相遠交分何其深中

誠一以合外物不能侵逶迤二十年與世同浮沈晚有

退間

一作寒

約白首歸雲林垂老忽相失悲哉口語心春

日嵩高

一作高嵩

陽秋夜清洛陰丘園共誰卜山水共誰尋

風月共誰賞詩篇共誰吟花開共誰看酒熟共誰斟患
死莊杜口鍾歿師廢琴道理使之然從古非獨今吾道
自此孤我情安可任唯將病眼淚一灑秋風襟

新秋曉興

濁暑忽已退清宵未全長晨缸耿殘焰宿閣凝微香喔
喔雞下樹輝輝日上梁枕低茵席軟卧穩身入牀睡足
景猶早起初風乍涼展張小屏幃收拾生衣裳還有惆
悵事遲遲未能忘拂鏡梳白髮可憐冰照霜

秋日與張賓客舒著作同遊龍門醉中狂歌凡
二百三十八字

秋天高高秋光清秋風裏裏秋蟲鳴嵩峰餘霞錦綺卷
伊水細浪鱗甲生洛陽間客知無數少出遊山多在城

商嶺老人自追逐蓬丘逸士相逢迎南出鼎門十八里
莊店邇迤橋道平不寒不熱好時節鞍馬穩快衣衫輕
立轡踟蹰下西岸扣舷容與繞中汀開懷曠達無所繫
觸目勝絕不可名荷衰欲黃荇猶綠魚樂自躍鷗不驚
翠藻蔓長孔雀尾彩船櫓急寒雁聲家醞一壺白玉液
野花數把黃金英晝遊四看西日暮夜話三及東方明
暫停杯觴輶吟詠我有狂言君試聽丈夫一生有二志
兼濟獨善難得并不能救療生民病即須先濯塵土纓

况吾頭白眼已闇終日戚促何所成不如展眉開口笑

龍門醉卧香山行

履信池櫻桃島上醉後走筆送別舒員外兼寄
宗正李卿考功崔郎中

櫻桃島前春去春花萬枝忽憶與宗卿閒飲日又憶與
考功狂醉時歲晚無花空有葉風吹滿地乾重疊蹋葉
悲秋復憶春池邊樹下重殷勤今朝一酌臨寒水此地
三迴別故人櫻桃花來春千萬朵來春共誰花下坐不

論崔李上青雲明日舒三亦拋我

秋池獨汎

蕭疎秋竹籬清淺秋風池一隻短舫艇一張斑鹿皮皮
上有野叟手中持酒卮半酣箕踞坐自問身為誰嚴子
垂釣日蘇門長嘯時悠然意自得意外何人知

冬日早起閒詠

水一作冰塘耀初旭風竹飄餘霰幽境雖目前不因閒不
見晨起對爐香道經尋兩卷晚坐拂琴塵秋思彈一遍

此外更無事開尊時自勸何必東風來一桮春上面

歲暮

慘淡歲云暮窮陰動經旬霜風裂人面冰雪摧車輪而
我當是時獨不知苦辛晨炊廩有米夕爨廚有薪夾帽
長覆耳重裘寬裹身加之一桮酒煦嫗如陽春洛城士
與庶比屋多飢貧何處爐有火誰家甑無塵如我飽煖
者百人無一人安得不慙媿放歌聊自陳

南池早春有懷

朝遊北橋上晚憇南塘畔西日雪全銷東風冰盡泮筵
箯魚尾掉盪臂鷺毛換泥煖草芽生沙虛泉脉散晴芳
冒苔島宿潤侵浦岸洛下日初長江南春欲半時光共
拋擲人事堪嗟歎倚櫂忽尋思去年池上伴

古意

脉脉復脉脉美人千里隔不見來幾時瑤草三四碧玉
琴聲悄悄鸞鏡塵靄靄昔為連理枝今作分飛翩寄書
多不達加飯終無益心腸不自寬衣帶何由窄

山遊示小妓

雙鬟垂未合三十纔過半本是綺羅人今為山水伴春
泉共揮弄好樹同攀翫笑容花底迷酒思風前亂紅凝
舞袖急黛慘歌聲緩莫唱楊柳枝無腸與君斷

神照禪師同宿

八年三一作二月晦山梨花滿枝龍門水西寺夜與遠公
期晏坐自相對密語誰得一作能知前後際斷處一念不

生時

張常侍相訪

西亭晚寂寞鶯散柳陰無水戶簾不卷風牀席自翻忽
聞車馬客來訪蓬蒿門況是張常侍安得不開尊

早夏遊宴

雖慵興猶在雖老心猶健昨日山水遊今朝花酒宴山
榴豔似火玉葉飄如霞榮落逐瞬遷炎涼隨刻變未收
木綿褥已動蒲葵扇且喜物與人年年得相見

感白蓮花

白白芙蓉花本生吳江濱不與紅者雜色類自區分誰
移爾至此姑蘇白使君初來苦顛頍久乃芳氣氤月月
葉換葉年年根生根陳根與故葉銷化成泥塵化者日
已遠來者日復新一為池中物永別江南春忽想西涼
州中有天寶民埋沒漢父祖孽生胡子孫已忘鄉土戀
豈念君親恩生人尚復爾草木何足云

詠所樂

獸樂在山谷魚樂在陂池蟲樂在深草鳥樂在高枝所

樂雖不同同歸適其宜不以彼易此況論是與非而我
何所樂所樂在分司分司有何樂樂哉人不知官優有
祿料職散無羈縻賴與道相近鈍將閒自隨昨朝拜表
迴今晚行香歸歸來北窗下解巾脫塵衣冷泉灌我頸
暖水濯四肢體中幸無疾卧任清風吹心中又無事坐
任白日移或開書一篇或引酒一卮但得如今日終身
無厭時

思舊

閒日一思舊舊遊如目前再思今何在零落歸下泉退
之服硫黃一病訖不痊微之鍊秋石未老身溘然杜子
得丹訣終日斷腥羶崔君誇藥力經冬不衣綿或疾或
暴天悉不過中年唯予不服食老命反遲延况在少壯
時亦為嗜慾牽但耽葷與血不識求與鉛飢來吞熟物
渴來飲寒泉詩役五藏神酒汨三丹田隨日合破壞至
今粗完全齒牙未缺落肢體尚輕便已開第七秩飽食
仍安眠且進一作盡 椎中物其餘皆付天

寄盧少尹

一作
卿

老誨心不亂莊戒形太勞生命既能保死籍亦可逃嘉

肴與旨酒信是腐腸膏蠶聲與麗色真為伐性刀補養

在積功如裘集衆毛將欲致千里可得差一毫

心不亂
形太勞

至差一毫皆出老莊及諸道書仙方禁誠顏回何為者簞瓢纔自給肥醕不

到口年不登三十張蒼何為者染愛浩無際妾媵填後

房竟壽百餘歲蒼壽有何德回天有何幸誰謂具聖體

不如肥瓠軀遂使世俗心多疑仙道書寄問盧先生此

理當何如

池上清晨候皇甫郎中

曉景麗未熟晨飈鮮且涼池幽綠萍合霜潔白蓮香深
掃竹間逕靜拂松下牀玉柄鶴翎扇銀冕雲母漿屏除
無俗物瞻望唯清光何人擬相訪羸女從蕭郎

詠懷

我知世無幻了無干世意世知我無堪亦無責我事由
茲兩相忘因得長自遂自遂意何如閒官在閒地閒地

唯東都東都少名利閒官是賓客賓客無牽累嵇康日
日嬾畢卓時時醉酒肆夜深歸僧房日高睡形安不勞
苦神泰無憂畏從官三十年無如今氣味鴻雖脫羅弋
鶴尚居祿位唯此未忘懷有時猶內媿

北窗三友

今日北窗下自問何所為欣然得三友三友者為誰琴
罷輒舉酒酒罷輒吟詩三友遞相引循環無已時一彈
愜中心一詠暢四肢猶恐中有間以酒彌縫之豈獨吾

拙好古人多若斯嗜詩有淵明嗜琴有啟期嗜酒有伯
倫三人皆吾師或乏儋石儲或穿帶索衣弦歌復觴詠
樂道知所歸三師去已遠高風不可追三友游甚熟無
日不相隨左擲白玉卮右拂黃金徽興酣不疊紙走筆
操狂詞誰能持此詞為我謝親知縱未以為是豈以我
為非

吟四雖 雜言

酒酣後歌歇時請君添一酌聽我吟四雖年雖老猶少

於韋長史命雖薄猶勝於鄭長水眼雖病猶明於徐郎
中家雖貧猶富於郭庶子省躬審分何僥倖值酒逢歌
且歡喜忘榮知足委天和亦應得盡生理

分司同官
中韋長史

績年七十餘郭庶子求貧苦最甚徐郎中晦因疾喪明
予為河南尹時見同年鄭渝始受長水縣令因歎四子
而成此

篇也

裴侍中晉公以集賢林亭即事詩三十六韻見
贈猥蒙徵和才拙詞縕輒廣為五百言以伸酬
獻

三江路千里五湖天一涯何如集賢第中有平津池池
勝主見覺景新人未知竹森翠琅玕水深洞琉璃水竹
以為質質立而文隨文之者何人公來親指麾疏鑿出
人意結構得地宜靈襟一搜索勝概無遁遺因下張沼
沚依高築階基嵩峰見數片伊水分一支南溪修且直
長波碧逶迤北館壯復麗倒影紅參差東島號晨光果
泉一作曜迎朝曦西嶺名夕陽杳曖留落暉前有水心亭
動蕩架連漪後有開闔堂寒溫變天時幽泉鏡泓澄怪

石山欹危

以上八所各具本名

春葩雪漠漠

謂杏花島

夏果珠離離

謂櫻

桃島主人命方舟宛在水中坻親賓次第至酒樂前後施

解纜始登汎山遊仍水嬉汎洄無帶礙向背窮幽奇警

過遠橋下飄旋深澗陲管弦去縹渺羅綺來霏微櫂風

逐舞迴梁塵隨歌飛宴餘日云暮醉客未放歸高聲索

彩牋大笑催金卮唱和筆走疾問荅梧行遲一詠清兩

耳一酣暢四肢主客忘貴賤不知俱是誰客有詩魔者

吟哦不知疲乞公殘紙墨一掃狂歌詞維云社稷臣赫

赫文武姿十授丞相印五建大將旗四朝致勳華一身

冠臯夔去年才七十決赴懸車期公志不可奪君恩亦

難希

一作達

從容就中道俛俛來保釐貂蟬雖未脫鸞皇

已不羈歷徵今與古獨步無等夷陸賈功業少二疏官

秩卑乘舟范蠡懼辟穀留侯飢豈若公今日身安家國

肥羊祜在漢南空留峴首碑柳惲在江南祇賦汀洲詩

謝安入東山但說攜蛾眉山簡醉高陽唯聞倒接蘿豈

如公今日餘力兼有之願公壽如山安樂長在茲願我

比蒲稗永得相因依

謝靈運詩云
蒲稗相因依

晚歸香山寺因詠所懷

我年日已老我身日已閒閒出都門望但見水與山關
塞碧巖巖伊流清潺潺中有古精舍軒戶無扃關岸草
歇可藉逕蘿行可攀朝隨浮雲出夕與飛鳥還吾道本
迂拙世途多險艱嘗聞嵇呂輩尤悔生疎頑巢悟入箕
願皓知返商巔一作顏豈唯樂肥遁聊復祛憂患吾亦從
此去終老伊嵩間

張常侍池涼夜間謙贈諸公

竹橋新月上水岸涼風至對月五六人管弦三兩事留連池上酌飲曲城外意或嘯或謳吟誰知此閒味迴看市朝客矻矻趨名利朝忙少遊宴夕因多眠睡清涼屬吾徒相逢勿辭醉

和皇甫郎中秋曉同登天宮閣言懷六韻

碧天忽已高白日猶未短玲瓏曉樓閣清脆秋絲管張翰一梧酣嵇康終日嬾塵中足憂累雲外多疎散病木

斧斤遺冥鴻羈縛斷逍遙二三子永願為間伴

送呂漳州

今朝一壺酒言送漳州牧半是要閒遊愛花憐草綠花
前下鞍馬草上攜絲竹行客飲數杯主人歌一曲端居
惜風景屢出勞僮僕獨醉似無名借君作題目

短歌曲一作行

世人求富貴多為奉嗜欲盛衰不自由得失常相逐問
君少年日苦學將干祿負笈塵中遊抱書雪前讀布衾

不周體藜茹一作茄 繩充腹三一作四十登宦途五十被朝

服奴溫新一作已 條纊馬肥初食粟未敢議歡遊尚為名

檢束耳目聾聞後堂上調絲竹牙齒缺落時盤中堆酒

肉彼來此已去外餘中不足少壯與榮華相避如寒燠

青雲去地遠白日經天速從古無奈何短歌聽一作空一

曲

詠懷

高人樂丘園中人慕官職一事尚難成兩途安可得遑

遑干世者多苦時命塞亦有愛閒人又為窮餓逼我今
幸雙遂祿仕兼游息未嘗羨榮華不省勞心力妻孥與
婢僕亦免愁衣食所以吾一家面無憂喜色

府西亭納涼歸

避暑府西亭晚歸有閒思夏淺蟬未多綠槐陰滿地帶
寬衫解領馬穩人攏轡面上有涼風眼前無俗事路經
府門過落日照官次牽聯繩紲囚奔走塵埃吏低眉悄
不語誰復知茲意憶得五年前晚衙時氣味

老熱

一飽百情足一酣萬事休何人不哀老我老心無憂仕
者拘職役農者勞田疇何人不苦熱我熱身自由卧風
北窗下坐月南池頭腦涼脫烏帽足熱濯清流慵發畫
高枕興來夜汎舟何乃有餘適祇緣無過求或問諸親
友樂天是與不亦無別言語多道天一作大悠悠悠悠君
不知此味深且幽但恐君知後亦來從我遊

新秋喜涼因寄兵部楊侍郎

外強火未退中銳金方戰一夕風雨來炎涼隨數變徐
徐炎景度稍稍涼颼扇枕簟忽淒清巾裳亦輕健老夫
納秋候心體殊安便睡足一屈伸搔首摩挲面褰簾對
池竹幽寂如僧院俯觀游魚羣仰數浮雲片閒忙各有
趣彼此寧相見昨日聞幕巢召對延英殿

嬾放二首呈劉夢得吳方之

青衣報平旦呼我起盥櫛今早天氣寒郎君應不出又
無賓客至何以銷閒日已向微陽前煖酒開詩帙

朝憐一牀日暮愛一爐火牀暖日高眠爐溫夜深坐雀
羅門嬾出鶴髮頭慵裹除却劉與吳何人來問我

六十六

病知心力減老覺光陰速五十八歸來今年六十六鬢
絲千萬白池草八九綠童稚盡成人園林半喬木看山
倚高石引水穿深竹雖有潺湲聲至今聽未足

三適贈道友

褐綾袍厚暖卧蓋行坐披紫氈履寬穩蹇步頗相宜足

適已忘履身適已忘衣況我心又適兼忘是與非三適
今合一作為一怡怡復熙熙禪那不動處混沌未鑿時此
固不可說為君強言之

洛陽春贈劉李二賓客

齊梁格

水南冠蓋地城東桃李園雪消洛陽堰春入永通門淑
景方靄靄遊人稍喧喧年豐酒漿賤日晏歌吹絲中有
老朝客華髮暝朱軒從容三兩人藉草開一尊尊前春
可惜身外事勿論明日期何處杏花遊趙邯洛城東有
趙邯杏花

千餘樹

寒食

人老何所樂，樂在歸鄉國。
我歸故園來，九度逢寒食。
故園在何處，池館東城側。
四隣梨花時，二月伊水色。
豈獨好風土，仍多舊親戚。
出去恣歡遊，歸來聊燕息。
有官供祿俸，無事勞心力。
但恐優穩多微躬，銷不得。

和裴令公一日日一年年雜言見贈

一日日作老翁，一年年過春風。
公心不以貴隔我，我散

唯將閒伴公我無才能忝高秩合是人間閒散物公有
功德在生民何因得作自由身前日魏王潭上宴連夜
今日午橋池頭遊拂晨山客硯前吟待月野人尊前醉
送春不敢與公閒中爭第一亦應占得第二第三人

御定全唐詩卷四百五十二

欽定四庫全書
欽定全唐詩卷一萬七千八百五十八

集部

御定全唐詩卷四百五十三

白居易

題裴晉公女几山刻石詩後

并序一本此篇無此題序即題也

裴侍中晉公出討淮西時過女几山下刻石題詩
末句云待平賊壘報天子莫指仙山示武夫果如
所言剋期平賊由是淮蔡迄今底寧殆二十年人
安生業夫嗟歎不足則詠歌之故居易作詩二百

言繼題公之篇末欲使採詩者修史者後之徃來
觀者知公之功德本末前後也

何處畫功業何處題詩篇麒麟高閣上女几小山前爾
後多少時四朝二十年賊骨化為土賊壘犁為田一從

賊壘平陳蔡民晏然驃軍成牛戶

蔡冠號驃子軍陳蔡間農馳鏡者人畜牛

者呼為鬼火變人煙生子已嫁娶種桑亦絲絲皆云公

牛戶

之德欲報無由緣公今在何處守都鎮三川舊宅留永

樂新居開集賢公今在一作何官被袞珥紹蟬戰袍破

一作

猶在髀肉生欲圓襟懷轉蕭灑氣力彌精堅登山不拄
杖上馬能掉鞭利澤浸入地福降昇自一作昇_{自昇}天昔號天
下將今稱地上仙勿追赤松遊勿拍洪崖肩商山有遺
老可以奉周旋

洛陽有愚叟

洛陽有愚叟白黑無分別浪跡雖似狂謀身亦不拙點
檢盤中飯非精亦非糲點檢身上衣無餘亦無闕天時
方得所不寒復不熱體氣正調和不飢仍不渴閒將酒

壺出醉向人家歇野食或烹鮮寓眠多擁褐抱琴榮啟
樂荷鉏劉伶達放眼看青山任頭生白髮不知天地內
更得幾年活從此到終身盡為閒日月

飽食閒坐

紅粒陸渾稻白鱗伊水鯀庖童呼我食飯熟魚鮮香筋
筋適我口匙匙充我腸八珍與五鼎無復心思量捫腹
起盥漱下階振衣裳繞庭一作亭行數匝却上簷下牀箕

踞擁裘坐半身在日暘可憐飽煖味誰肯來同嘗是歲

太和八兵銷時漸康朝廷重經術草澤搜賢良堯舜求
理切夔龍啟沃忙懷才抱智者無不走遑遑唯此不才
叟頑慵戀洛陽飽食不出門閒坐不下堂子弟多寂寞
僮僕少精光衣食雖充給神意不揚揚為爾謀則短為
吾謀甚長

閒居自題

門前有流水牆上多高樹竹逕繞荷池繚迴百餘步波
閒戲魚鼈風靜下鷗鷺寂無城市喧渺有江湖趣吾廬

在其上偃卧朝復暮洛下安一居山中亦慵去時逢過客愛問是誰家住此是白家翁閉門終老處

覽鏡喜老

今朝覽明鏡鬚鬢盡成絲行年六十四安得不衰羸親屬惜我老相顧興歎咨而我獨微笑此意何人知笑罷仍命酒掩鏡捋白髭爾輩且安坐從容聽我詞生若不足戀老亦何足悲生若苟可戀老即生多時不老即須夭不夭即須衰晚衰勝早夭此理決不疑古人亦有言

浮生七十稀我今欠六歲多幸或庶幾儻得及此限何
羨榮華期當喜不當歎更傾酒一卮

風雪中作

歲暮風動地夜寒雪連天老夫何處宿暖帳溫爐前兩
重褐綺衾一領花茸一作叢 罐粥熟呼不起日高安穩眠

是時心與身了無閒事牽以此度風雪閑居來六年忽
思遠遊客復想早朝士踴凍侵夜行凌寒未明起心為
身君父身為心臣子不得身自由皆為心所使我心既

知足我身自安止方寸語形骸吾應不負爾

對琴酒

西窗明且暖晚坐卷書帷琴匣拂開後酒瓶添滿時角
尊白螺酸玉軫黃金徽未及彈與酌相對已依依泠泠
秋泉韻貯在龍鳳池油油春雲心一枯可致之自古有
琴酒得此味者稀祇因康與籍及我三心知

雪中晏起偶詠所懷兼呈張常侍韋庶子皇甫

郎中

雜言

窮陰蒼蒼雪零零雪深沒脰泥埋輪東家典錢歸礙夜
南家貰米出凌晨我獨何者無此弊複帳重衾暖若春
怕寒放懶不肅動日高眠足方頻伸瓶中有酒爐有炭
甕中有飯庖有薪奴溫婢飽身晏起致茲快活良有因
上無臯陶伯益廊廟才的不能匡君輔國活生民下無
巢父許由箕潁操又不能食薇飲水自苦辛君不見南
山悠悠多白雲又不見西京一作北闕浩浩唯紅塵紅塵閑
熱白雲冷好於冷熱中間安置身三年微倖添洛尹兩

任優穢為商賓非賢非愚非智慧不貴不富不賤貧冉冉老去過六十騰騰閒來經七春不知張韋與皇甫私喚我作何如人

和裴侍中南園靜興見示

池館清且幽高懷亦如此有時簾動風盡日橋照水靜將鶴為伴閒與雲相似何必學留侯崎嶇覓松子

春寒

今朝春氣寒自問何所欲酥煖薤白酒乳和地黃粥豈

惟厭饑口亦可調病腹助酌有枯魚佐餐兼旨蓄省躬
念前哲醉飽多慚忸君不聞靖節先生尊長空廣文先
生飯不足

菩提寺上方晚望香山寺寄舒員外

晚登西寶刹晴望東精舍反照轉樓臺輝輝似圖畫冰
浮水明滅雪壓松偃亞石閣僧上來雲汀雁飛下西京
鬧於市東洛閒如社曾憶舊遊無香山明月夜

二月一日作贈韋七庶子

園杏紅萼坼庭蘭紫芽出不覺春已深今朝二月一去
冬病瘡痏將養遵醫術今春入道場清淨依僧律嘗聞
聖賢語所慎齋與疾遂使愛酒人停杯一百日明朝二
月二疾平齊復畢應須挈一壺尋花覓韋七

犬鳶

晚來天氣好散步中門前門前何所有偶覩犬與鳶鳶
飽凌風飛犬暖向日眠腹舒穩貼地翹凝聲高摩天上
無羅弋憂下無羈鎖牽見彼物遂性我亦心適然心適

復何為一詠逍遙篇此仍著於適一作述尚未能忘言

夢劉二十八因詩問之

昨夜夢夢得初覺思踟蹰忽忘來汝郡猶疑在吳都
都三千里汝郡二百餘非夢亦不見近與遠何殊尚能
齊遠近焉用論榮枯但問寢與食近日兩何如病後能
吟否春來曾醉無樓臺與風景汝又何如蘇相思一相
報勿復慵為書

聞吟

貧窮汲汲求衣食富貴營營役心力人生不富即貧窮
光陰易過閒難得我今幸在窮富間雖在朝廷不入山
看雪尋花覩風月洛陽城裏七年閒

西行

衣裘不單薄車馬不羸弱謁謁三月天閒行亦不惡壽
安流水館破石青山郭官道柳陰陰行宮花漠漠常聞
俗間語有錢在處樂我雖非富人亦不苦寂寞家僮解
弦管騎從攜桮杓時向春風前歇鞍開一酌

東歸

翩翩平肩輿

一作昇

中有醉老夫膝上展詩卷竿頭懸酒

壺食宿無定程僕馬多緩驅臨水歇半日望山傾一盃

藉草坐嵬峩

並上聲

攀花行踟蹰風將景共暖體與心同

舒始悟有營者居家如在途方知無繫者在道如安居

前夕宿三堂

三堂在虢

今旦遊申湖

申湖在陝

殘春三百里送我

歸東都

途中作

早起上肩昇

一作興

一杯平旦醉晚憩下肩昇一覺殘春

睡身不經營物心不思量事但恐綺與里只如吾氣味

小臺

新樹低如帳小臺平似掌六尺白藤牀一莖青竹杖風
飄竹皮落苔印鶴迹上幽境與誰同閒人自來往

睡後茶興憶楊同州

昨晚飲太多嵬峩

並上聲

連宵醉今朝餐又飽爛漫移時

睡睡足摩挲眼前無一事信脚繞池行偶然得幽致

婆娑綠陰樹斑駁青苔地此處置繩牀傍邊洗茶器白
瓷甌甚潔紅爐炭方熾沫下麴塵香花浮魚眼沸盛來
有佳色嚙罷餘芳氣不見楊慕巢誰人知此味

題文集櫃

破柏作書櫃櫃牢柏復堅收貯誰家集題云白樂天我
生業文字自幼及老年前後七十卷小大三千篇誠知
終散失未忍遽棄捐自開自鎖閉置在書帷前身是鄧
伯道世無王仲宣只應分付女留與外孫傳

旱熱二首

彤雲散不雨赫日吁可畏端坐猶揮汗出門豈容易忽
思公府內青衫折腰吏復想驛路中紅塵走馬使征夫
更辛苦逐客彌顛輞日入尚趨程宵分不遑寐安知北
窗叟偃卧風颯至簾拂碧龍鱗扇搖白鶴翅豈唯身所
得兼示心無事誰言苦熱天元有清涼地

勃勃旱塵氣炎炎赤日光飛禽颺將墜行人渴欲狂壯
者不耐飢飢火燒其腸肥者不禁熱喘息汗如漿此時

方自悟老瘦亦何妨肉輕足健逸髮少頭清涼薄食不
飢渴端居省衣裳數匙梁飯冷一領綃衫香持此聊過
日焉知畏景長

偶作二首

戰馬春放歸農牛冬歇息何獨徇名人終身役心力來
者殊未已去者不知還我今悟已晚六十方退閒猶勝
不悟者老死紅塵間

名無高與卑未得多健羨事無小與大已得多厭賤如

此常自告反此或自安此理知甚易此道行甚難勿信人虛語君當事上看

池上作

西溪南潭皆
池中勝地也

西溪風生竹森森南潭萍開水沉沉叢翠萬竿湘岸色空碧一泊松江心浦派縈迴誤遠近橋島向背迷窺臨澄瀾方丈若萬頃倒影咫尺如千尋泛然獨遊邈然坐坐念行心思古今荒裘不聞有泉沼西河亦恐無雲林豈如白翁退老地樹高竹密池塘深華亭雙鶴白矯矯

太湖四石青岑岑眼前盡日更無客膝上此時唯有琴
洛陽冠蓋自相索誰肯來此同抽簾

何處堪避暑

何處堪避暑林間背日樓何處好追涼池上隨風舟日
高飢始食食竟飽還遊遊罷睡一覺覺來茶一甌眼明
見青山耳醒聞碧流脫襪閒濯足解巾快搔頭如此來
幾時已過六七秋從心至百骸無一不自由拙退是其
分榮耀非所求雖被世間笑終無身外憂此語君莫怪

靜思吾亦愁如何三伏月楊尹謫虔州

詔下

昨日詔下去罪人今日詔下得賢臣進退者誰非我事
世間寵辱常紛紛我心與世兩相忘時事雖聞如不聞
但喜今年飽飯吃洛陽禾稼如秋雲更傾一尊歌一曲
不獨忘世兼忘身

七月一日作

七月一日天秋生履道里閒居見清景高興從此始林

問暑雨歇池上涼風起橋竹碧鮮鮮岸莎青靡靡蒼然
古磐石清淺平流水何言中門前便是深山裏雙僮侍
坐卧一杖扶行止飢聞麻粥香渴覺雲湯美

胡麻粥平雲母湯

生所好物今日多在此此外更何思市朝心已矣

開襟

開襟何處好竹下池邊地餘熱體猶煩早涼風有味黃
萎槐葉結紅破蓮芳一作房墜無奈每年秋先來入哀思

自賓客遷太子少傅分司

頭上漸無髮耳間新有毫形容逐日老官秩隨年高優
饒又加俸閒穩仍分曹飲食免藜藿居處非蓬蒿何言
家尚貧銀榼提綠醪勿謂身未貴金章照紫袍誠合知
止足豈宜更貪饕默默一作然心自問於國有何勞

自在

果果冬日光明暖真可愛移榻向陽坐擁裘仍解帶小
奴拖我足小婢搔我背自問我為誰胡然獨安泰安泰
良有以與君論梗概心了事未了飢寒迫於外事了心

未了念慮煎於內我今實多幸事與心和會內外及中
間了然無一礙所以日陽中向君言自在

詠史

九年十月作

秦磨利刀斬李斯齊燒沸鼎烹酈其可憐黃綺入商洛
閒卧白雲歌紫芝彼為菹醢机上盡此為鸞皇天外飛
去者逍遙來者死乃知禍福非天為

因夢有悟

一作宿

交友淪歿盡悠悠勞夢思平生所厚者昨夜夢見之夢

中幾許事枕上無多時欵曲數杯酒從容一局碁

皆夢酒

中所初見

一作是

韋尚書

弘景

金紫何輝輝中遇李侍郎

建

笑言甚怡怡終為崔常侍

玄亮

意色苦依依一夕三改變

夢心不驚疑此事人盡怪此理誰得知我粗知此理聞

於竺乾師識行妄分別智隱迷是非若轉識為智菩提

其庶幾

春遊

上馬臨出門出門復逡迴頭問妻子應怪春遊頻誠

知春遊頻其奈老大身朱顏去復去白髮新更新請君屈十指為我數交親大限年一作言百歲幾人及七旬我

今六十五走若下坂輪假使得七十祇有五度春逢春不遊樂但恐是癡人

題天竺南院贈閒元昊清四上人

雜芳澗草合繁綠巖樹新山深景候晚四月有餘春竹寺過微雨石逕無纖塵白衣一居士方袍四道人地是佛國土人非俗交親城中山下別相送亦殷勤

哭師臯

南康丹旐引魂迴洛陽籃昇送葬來北邙原邊尹村一作草

樹畔月苦煙愁夜過半妻孥兄弟號一聲十二人腸一

時斷往者何人送者誰樂天哭別師臯時平生分義向

人盡今日哀寬唯我知我知何益徒垂淚籃舉迴竿馬

迴轡何日重聞掃市歌誰家收得琵琶伎

師臯醉後善歌掃市詞又

有小伎工琵琶不知今落何處蕭蕭風樹白楊影蒼蒼露草青蒿氣更

就墳前哭一聲與君此別終天地

隱几贈客

宦情本淡薄年貌又老醜紫綬與金章於予亦何有有時獨一作猶隱几荅音塔然無所偶卧枕一卷書起嘗一杯

酒書將引昏睡酒用扶衰朽客到忽已酣脫巾坐搔首疎頑倚老病容恕慚交友忽思莊生言亦擬鞭其後

夏日作

葛衣疎且單紗帽輕復寬一衣與一帽可以過炎天止於便吾體何必被羅紈宿雨林筍嫩晨露園葵鮮烹葵

炮嫩筍可以備朝餐止於適吾口何必飲腥羶飯訖盥漱已捫腹方果然婆娑庭前步安穩窗下眠外養物不費內歸心不煩不費用難盡不煩神易安庶幾無夭閼得以終天年

晚涼偶詠

日下西牆西風來北窗北中有逐涼人單牀獨棲息飄蕭過雲雨搖曳歸飛翼新葉多好陰初筠有佳色幽深小池館優穎閒官職不愛勿復論愛亦不易得

酬牛相公宮城早秋寓言見示兼呈夢得

時夢得有

疾

七月中氣後金與火交爭一聞白雪唱暑退清風生碧
樹未搖落寒蟬始悲鳴夜涼枕簟滑秋燥衣巾輕疎受
老慵出劉楨疾未平何人伴公醉新月上宮城

小臺晚坐憶夢得

汲泉灑小臺臺上無纖埃解帶而西坐輕襟隨風開晚
涼閒興動憶同傾一杯月明候柴戶藜杖何時來

種桃歌

食桃種其核一年核生芽二年長枝葉三年桃有花憶
昨五六歲灼灼盛芬華迨茲八九載有減而無加去春
已稀少今春漸無多明年後年後芳意當如何命酒樹
下飲停杯拾餘葩因桃忽自感悲咤成狂歌

狂言示諸姪

世欺不識字我忝攻文筆世欺不得官我忝居班秩人
老多病苦我今幸無疾人老多憂累我今婿嫁畢心安

不移轉身泰無牽率所以十年來形神閒且逸況當垂
老歲所要無多物一裘煖過冬一飯飽終日勿言舍宅
小不過寢一室何用鞍馬多不能騎兩匹如我優幸身
人中十有七如我知足心人中百無一傍觀愚亦見當
已賢多失不敢論他人狂言示諸姪

偶以拙詩數首寄呈裴少尹侍郎蒙以盛製四
篇一時酬和重投長句美而謝之

投君之文甚荒蕪數篇價直一束芻報我之章何璀璨

繫繫四貫驪龍珠毛詩三百篇後得文選六十卷中無一麇鹿龜絕報賽五鹿連柱難支梧高興獨因秋日盡清吟多與好風俱銀鈎金錯兩殊重宜上屏風張座隅

御定全唐詩卷四百五十三

謹案卷四百五十三第二頁前二行利澤浸入地
刊本地訛池據長慶集改

欽定四庫全書



一

納校官庶吉士臣張能照
校對官庶吉士臣許兆椿

謄錄舉人臣孫潢

謄錄舉人臣陳紹貴

欽定四庫全書會要

集部

御定全唐詩卷四百五十四

詳校官原任主事臣李斯咏

欽定四庫全書
欽定全唐詩卷一萬七千八百五十九集部

御定全唐詩卷四百五十四

白居易

六年冬暮贈崔常侍晦叔

時為河南尹

霜一色光景水爭流易過唯冬日難銷是老愁香
開綠蟻酒煖擁褐綾裘已共崔君約尊前倒即休

戲招諸客

黃醅綠醑迎冬熟絳帳紅爐逐夜開誰道洛中多逸客

不將書喚不曾來

十二月二十三日作兼呈晦叔

案頭歷日雖未盡向後唯殘六七行牀下酒瓶雖不滿
猶應醉得兩三場病身不許依年老拙宦虛教逐日忙
聞健偷閒且勤一作歡飲一杯之外莫思量

七年元日對酒五首

慶弔經過嬾逢迎跪拜遲不因時節日豈覺此身羸一作

衰時

衆老憂添歲余衰喜入春年開第七秩屈指幾多人

三杯藍尾酒一櫓膠牙錫除却崔常侍無人共我爭

今朝吳與洛相憶一欣然夢得君知否俱過本命年

余與

蘇州劉郎中同士

子歲今年六十二

同歲崔何在同年杜又無

余與吏部崔相公甲子同歲
與循州杜相公及第同年秋

冬二人俱逝應無藏避處只有且歡娛

七年春題府廳

潦倒守三川因循涉四年推誠廢鉤距示耻用蒲鞭以

此稱公事將何銷俸錢雖非好官職歲久亦妨賢

早春醉吟寄太原令狐相公蘇州劉郎中

雪夜閒遊多秉燭花時暫出亦提壺別來少遇新詩敵
老去難逢舊飲徒大振威名降北敵勤行惠化活東吳
不知歌酒騰騰興得似河南醉尹無

洛下送牛相公出鎮淮南

北闕至東京風光十六程坐移丞相閣春入廣陵城紅
旆擁雙節白鬚無一莖萬人開路看百吏立班迎闇外

君彌重尊前我亦榮何須身自得將相是門生

元和初牛相公

應制策登第三等
予為翰林考覈官

箏

雲髻飄蕭綠花顏旖旎紅雙眸剪秋水十指剝春蕙楚
豔為門閥秦聲是女工甲明銀玓瓅柱觸玉玲瓏緩苦
啼嫌月嬌一作鶯嬌語訛一作泥風移愁來手底送恨入弦

中趙瑟清一作情相似胡琴鬧一作調不同慢彈迴斷雁急

奏轉飛蓬霜珮鏘還委冰泉咽復通珠聯千拍碎刀截

一聲終倚麗精神定矜能意態融歌時情不斷休去思
無窮燈下青春夜一作青
歌夜尊前白首翁且聽應得在老耳未多聾

洛中春遊呈諸親友

莫歎年將暮須憐歲又新府中三遇臘洛下五逢春
樹花珠顆春塘水麴塵春娃無氣力春馬有精神

詠春遊一

時之並轡鞭徐動連盤酒慢巡經過舊鄰里追逐好交
親笑語銷閒日酣歌送老身一生歡樂事亦不少於人

酬舒三員外見贈長句

自請假來多少日五旬光景似須臾已判到老為狂客
不分當春作病夫楊柳花飄新白雪櫻桃子綴小紅珠
頭風不敢多多飲能酌三分相勸無

將歸一絕

欲去公門返野扉預思泉竹已依依更憐家醞迎春熟
一甕醍醐待我歸

罷府歸舊居

自此後重授賓

客歸履道宅作

陋巷乘籃入朱門桂印迴腰間拋組綬纓上拂塵埃屈
曲閒池沼無非手自開青蒼好竹樹亦是眼看裁石片
撻琴匣松枝閣酒杯此生終老處昨日却歸來

睡覺偶吟

官初罷後歸來夜天欲明前睡覺時坐起思量更無事
身心安樂復誰知

問支琴石

疑因星隕空中落歎被泥埋澗底沈天上定應勝地上

支機未必及支琴提攜拂拭知恩否雖不能言含有心

自喜

身慵難勉強性拙易遲迴布被辰時起柴門午後開忙驅能者去閒逐鈍人來自喜誰能會無才勝有才

襄常侍以題薔薇架十八韻見示因廣為三十

韻以和之

託質依高架攢花對小堂晚開春去後獨秀院中央霽景朱明早芳時白晝長穠因天與色麗共日爭光剪碧

排千萼研朱染萬房煙條塗石綠粉藥撲雌一作雄黃根

動彤雲涌枝搖赤羽翔九微燈炫轉七寶帳熒煌淑氣
熏行徑清陰接步廊照梁迷藻悅耀壁變雕牆爛若聚
然火殷於葉得霜臘脂含臉笑蘇合裛衣香浹洽濡晨
露玲瓏漏夕陽合羅排勘纈醉暈淺深妝乍見疑迴面
遙看誤斷腸風朝舞飛燕雨夜泣蕭娘桃李慙無語芝
蘭讓不芳山榴何細碎石竹苦尋常蕙慘偎欄避蓮羞
映浦藏怯放蕉葉戰妬得柳花狂豈可輕嘲詠應須痛

比方畫幅風自展繡繖蓋誰張翠錦挑成字丹砂印著
猩猩凝血點瑟瑟蹙金匡散亂萎紅片尖纖嫩紫芒
觸僧飄毳褐留妓冒羅裳寡和陽春曲多情騎省郎緣
誇美顏色引出好文章東顧辭仁里語曰里仁為美又
東君所居名仁和
里西歸入帝鄉假如君愛殺留著莫移將東君題詩之
次而常侍詔
到唱和未竟而
軒騎西歸故云

感舊詩卷

夜深吟罷一長吁老淚燈前濕白鬚二十年前舊詩卷

十人酬和九人無

酬李二十侍郎

筭老蘭長花漸稀衰翁相對惜芳菲殘鶯著雨慵休轉
落絮無風凝不飛行掇木芽供野食坐牽蘿蔓挂朝衣
十年分手今同醉醉未如泥莫道歸

和夢得

夢得來詩云謾讀圖書四十車年年為
邵老天涯一生不得文章力百口空為

飽煖

家

綸閣沈沈無寵命蘇臺籍籍有能聲豈唯不得清文力

但恐空傳冗吏名郎署迴翔何水部江湖留滯謝宣城
所嗟非獨君如此自古才難共命爭

贈草堂宗密上人

吾師道與佛相應念念無為法法能口藏宣傳十二

五部心臺一作傳

照耀百千燈盡離文字非中道長住虛

空是小乘少有人知菩薩行世間只是重高僧

喜照密閒實四上人見過

紫袍一作衫朝士白髯翁與俗乖疎與道通官秩三迴分

洛下交遊一半在僧中真帑世界終須出香火因緣久
願同齋後將何充供養西軒泉石北窗風

贈皇甫六張十五李二十三賓客

昨日三川新罷守今年四皓盡分司幸陪散秩閒居日
好是登山臨水時家未苦貧常醞酒身雖衰病尚吟詩
龍門泉石杳山月早晚同遊報一期

微之敦詩晦叔相次長逝巋然自傷因成二絕

併失鶩鸞侶空留麋鹿身只應嵩洛下長作獨遊人

長夜君先去殘年我幾何秋風滿衫淚泉下故人多

池上閒詠

青莎臺上起書樓綠藻潭中繫釣舟日晚愛行深竹一作
徑

裏月明多上一作在小橋頭斂嘗新酒還成醉亦出中

門便當遊一部清商聊送老白鬚蕭颯管弦秋

涼風歎

昨夜涼風又颯然蠢飄葉墜卧牀前逢秋莫歎須知分
已過潘安三十年

和高僕射罷節度讓尚書授少保分司喜遂遊

山水之作

暫辭八座罷雙旌便作登山臨水行能以忠貞酬重任
不將富貴礙高情朱門出去簪纓從絳帳歸來歌吹迎
鞍轡開裝光滿馬何人信道是書生

送考功崔郎中赴闕

稱意新官又少年秋涼身健好朝天青雲上了無多路
却要徐驅穩著鞭

重修香山寺畢題二十二韻以紀之

關塞龍門口祇園鷺嶺頭曾隨減劫壞今遇勝緣修再
鑿新金刹重裝舊石樓病僧皆引起忙客亦淹留四望
窮沙界孤標出贍州地圓鋪洛邑天柱倚崧一作丘兩
面蒼蒼岸中心瑟瑟流波翻八灘雪堰護一潭油臺殿
朝彌麗房廊夜更幽千花高下塔一葉往來舟岫合雲
初吐林開霧半收靜聞樵子語遠聽棹郎謳官散殊無
事身閒甚自由吟來携筆硯宿去抱衾裯月當窗一作

軒白涼風滿簾秋煙香封藥竈泉冷洗茶甌南祖心應學西方社可投先宜知止足次要悟浮休覺路隨方樂迷塗到老愁須除愛名障莫作戀家囚便合窮年住何言竟日遊可憐終老地此是我菟裘

送楊八給事赴常州

無嗟別青瑣且喜擁朱輪五十得三品百千無一人須勤念黎庶莫苦憶交親此外無過醉毗陵何限春

聞歌者唱微之詩

新詩絕筆聲名歇舊卷生塵篋
苟深時向歌中聞一句

未容傾耳已傷心

醉送李二十常侍赴鎮浙東

靖安客舍花枝下共脫青衫曲濁醪
今日洛橋還醉別
金杯翻汙麒麟袍喧闐夙駕君脂轄
酌酌離筵我藉糟
好去商山紫芝伴珊瑚鞭動馬頭高

醉別程秀才

五度龍門點額迴却緣多藝復多才
貧泥客路粘難出

愁鎖鄉心掣不開何必更遊京國去不如且入醉鄉來

吳弦楚調瀟湘弄為我殷勤送一杯

程生善琴尤能沈湘曲

自詠

白衣居士紫芝仙半醉行歌半坐禪今日維摩兼飲酒
當時綺季不請半聲錢等閒池上留賓客隨事燈前有管
弦但問此身銷得否分司氣味不論年

把酒思間事二首

把酒思間事春愁誰最深乞錢羈客面落第舉人心月

下低眉立燈前抱膝吟憑君勸一醉勝與萬黃金

把酒思閒事春嬌尙處多試鞍新白馬弄鏡小青娥掌
上初教舞花前欲按歌憑君勸一醉勸了問如何

衰荷

白露凋花花不殘涼風吹葉葉初乾無人解愛蕭條境
更繞衰藂一匝看

池上送考功崔郎中兼別房竇二妓

文昌列宿徵還日洛浦行雲放散時鶴鷺上天花逐水

無因由一作再會白家池

自問

依仁臺廢悲風晚履信池荒宿草春晦叔亭臺在依仁
微之池館在履信

自問老身騎馬出洛陽城裏覓何人

送陳許高僕射赴鎮

敦詩說禮中軍帥重士輕財大丈夫常與師徒同苦樂
不教親故隔榮枯花鉢坐繞黃金印絲管一作竹行隨白
玉壺商皓老狂唯愛醉時時能寄酒錢無

青檀帳二十韻

合聚千羊一作羣施張百子卷

司馬遷書
云張良卷

骨盤邊柳健

色染塞藍鮮北製因戎崩南移逐虜遷汰音闐風吹不動

禦雨濕彌堅有頂中央聳無隅四嚮圓傍通門豁爾內

密氣溫然遠別關山外初安庭戶前影孤明月夜價重

苦寒年軟煖圍檀輶鎗縱東管弦最宜霜後地偏稱雪

中天側置低歌座平鋪小舞筵間多揭簾入醉便擁袍

眠鐵檠去聲移燈背銀囊帶火懸深藏曉蘭焰間貯宿香

煙獸炭休親近狐裘可棄捐硯溫融凍墨瓶暖變春泉
蕙帳徒招隱茅庵浪坐禪貧僧應歎羨寒士定留連賓
客於中接兒孫向後傳王家誇舊物未及此青檀王子敬語

偷兒云青檀
我家舊物

荅夢得秋日書懷見寄

幸免非常病甘當本分哀眼昏燈最覺腰瘦帶先知樹
葉霜紅日髭鬚雪白時悲愁緣欲老老過却無悲

同諸客題于家公主舊宅

平陽舊宅少人遊應是遊人到即愁布春一作穀鳥啼桃

李院絡絲蟲怨鳳皇樓臺傾滑石猶殘砌簾斷珍珠不

滿鉤聞道至今蕭史在髭鬚雪白向明

韶一作州

答夢得八月十五日夜翫月見寄

南國碧雲客東京白首翁松江初有上一作月伊水正無

風遠思兩鄉斷清光千里同不知娃館上何似石樓中

其夜余在龍門

石樓上望月

初冬早起寄夢得

起戴烏紗帽行披白布裘爐溫先緩酒手冷未梳頭早

起一作景煙霜白初寒鳥雀愁詩成遣誰和還是寄蘇州

秋夜聽高調涼州

樓上金風聲漸緊月中銀字韻初調促張弦柱吹高管

一曲涼州入次寥

香山寺二絕

空山寂靜老夫閒伴鳥隨雲徃復還家醞滿瓶書滿架

半移生計入香山

愛風巖上攀松蓋
戀月潭邊坐石

一作住日

稜且共雲泉結

緣境他生當作此山僧

送舒著作重授省郎赴闕

三歲相依在洛都
遊花宴月飽歡娛
惜別笙歌多怨咽
願留軒蓋少踟蹰
劙磨光彩依前出
鵬舉風雲逐後驅
從此求閒應不得
更能重醉白家無

同諸客嘲雪中馬上妓

珊瑚鞭
鞚馬
踟蹰引手低蛾索
一盂腰為逆
風成弱柳

面因衝冷作凝酥銀篦穩篆去聲烏羅帽花簾宜乘叱撥

駒雪裏君看何所似王昭君妹寫真圖

喜劉蘇州恩賜金紫遙相賀宴以詩慶之

海內姑蘇太守賢恩加章綬豈徒然賀賓喜色欺杯酒
醉妓歡聲遏管弦魚珮葦鱗光照地鵲銜瑞帶勢衝天
莫嫌鬢上些些白金紫由來稱長年

藍田劉明府攜酌一作酌時相過與皇甫郎中卯時

同飲醉後贈之

臘月九日煖寒客卯時十分空腹杯玄晏舞狂烏帽落
藍田醉倒玉山頰貌偷花色老暫去歌蹋柳枝春闌來
不為劉家賢聖物愁翁笑口大難開

劉蘇州以華亭一鶴遠寄以詩謝之

老鶴風姿異衰翁詩思深素毛如我鬢丹頂似君心松
陰雪相映雞羣塵不侵殷勤遠來意一隻重千金

早春憶蘇州寄夢得

吳苑四時風景好就中偏好是春天霞光曙後殷於火

水色晴來嫩似煙士女笙歌宜月下使君金紫稱花前
誠知歡樂堪留戀其奈離鄉已四年

嘗新酒憶晦叔二首

尊裏看無色杯中動有光自君拋我去此物共誰嘗
世上強欺弱人間醉勝醒自君拋我去此語更誰聽

負春

病來道士教調氣老去山僧勸坐禪孤負春風楊柳曲

去年斷酒到今年

池上閒吟二首

高臥閒行自在身
池邊六見柳條新
幸逢堯舜無為日
得作羲皇向上人
四皓再除猶且健
三州罷守未全貧
莫愁客到無供給
家醞香濃野菜春

非莊非宅非蘭若
竹樹池亭十畝餘
非道非僧非俗吏
褐裘烏帽閉門居
夢遊信意寧殊蝶
心樂身閒便是魚
雖未定知生與死
其間勝負兩何如

早春招張賓客

久雨初晴天氣新風煙草樹盡欣欣雖當冷落衰殘日
還有陽和暖活身池色溶溶藍染水花光燄燄火燒春
商山老伴相收拾不用隨他年少人

營間事

自笑營閒事從朝到日斜澆畦引泉脈掃徑避蘭芽暖
變牆衣色晴催木筆花桃根知酒渴晚送一甌茶

感春

老思不禁春風光照眼新花房紅鳥觜池浪碧魚鱗倚

權誰為伴持杯自問身心情多少在六十二三人

春池上戲贈李郎中

滿池春水何人愛唯我廻看指似君直似接藍新汁色
與君南宅染羅裙

翫半開花贈皇甫郎中

八年寒食日池東小樓上作

勿訝春來晚無嫌花發遲人憐全盛日我愛半開時紫
蠟粘為帶紅蘇點作蕤成都新夾纈梁漢碎臙脂樹杪
真珠顆牆頭小女兒淺深妝駿落高下火參差蝶戲爭

香朵鶯啼選穩枝好教郎作伴合共酒相隨醉耽無勝
此狂嘲更讓誰猶殘少年興不似一作未是老人詩西日憑
輕照東風莫殺去聲吹明朝應爛漫後夜更一作即離披林
下遙相憶尊前間有期銜杯嚼藥思唯我與君知

池邊

柳老香絲宛荷新鉏扇圓殘春深樹裏斜日小樓前醉
遣收杯杓閒聽理管弦池邊更無事看補採蓮船

家釀新熟每嘗輒醉妻姪等勸令少飲因成長

句以諭之

君應怪我朝朝飲不說向君君不知身上幸無疼痛處
甕頭正是撤嘗時劉妻勸諫夫休醉王姪分疎叔不癡
六十三翁頭雪白假如醒黠欲何為

送常秀才下第東歸

東歸多旅恨西上少知音寒食看花眼春風落日心百
憂當二月一醉直千金到處公卿席無辭酒醕深

且遊

手裏一杯滿心中百事休春應唯仰醉老更不禁愁弄
水迴船尾尋花信馬頭眼看筋力減遊得且須遊

題王家莊臨水柳亭

弱柳緣堤種虛亭壓水開條疑逐風去波欲上階來翠
羽偷魚入紅腰學舞迴春愁正無緒怎不盡殘杯

題令狐家木蘭花

膩如玉指塗朱粉光似金刀剪紫霞從此時時春夢裏
應添一樹女郎花

拜表迴間遊

玉珮金章紫花綬紵衫藤帶白綸巾晨興拜表稱朝士
晚出遊山作野人達摩傳心令息念玄元留意遺同塵
八關淨戒齋銷日一曲狂歌醉送春酒肆法堂方丈裏
其間豈是兩般身

西街渠中種蓮疊石頗有幽致偶題小樓

朱檻低牆上清流小閣前雇人栽菡萏買石造潺湲影
落江心月聲移谷口泉間看捲簾坐醉聽掩窗眠路笑

淘官水家愁費料錢是非君莫問一對一翛然

晚春閒居楊工部寄詩楊常州寄茶同到因以長句答之

宿醒寂寞眠初起春意闌珊日又斜勸我加餐因早筭
恨人休醉是殘花悶吟工部新來句渴飲毗陵遠到茶
兄弟東西官職冷門前車馬向誰家

玉泉寺南三里澗下多深紅躑躅繁豔殊常感

惜題詩以示遊者

玉泉南澗花奇怪不似花叢似火堆今日多情唯我到
每年無故為誰開寧辭辛苦行三里更與留連飲兩杯
猶有一般辜負事不將歌舞管弦來

早服雲母散

曉服雲英漱井華寥然身若在煙霞藥銷日晏三匙飯
酒渴春深一椀茶每夜坐禪觀水月有時行醉翫風花
淨名事理人難解身不出家心出家

三月晦日

一下又
有日字

晚聞鳥聲

晚來林鳥語殷勤似惜風光說向人遣脫破袍勞報煖
催沽美酒敢辭貧聲聲勸醉應須醉一歲唯殘半日春

早夏遊平原迴

夏早日初長南風草木香肩輿頗平穩澗路甚清涼紫
蕨行看採青梅旋摘嘗療飢兼解渴一甞冷雲漿

宿天竺寺迴

野寺經三宿都城復一還家仍念婚嫁身尚繫官一作朝

班蕭灑秋臨水沈吟晚下山長閒猶未得逐日且偷閒

侍中晉公欲到東洛先蒙書問期宿龍門思往

感今輒獻長句

昔蒙興化池頭送

太和三年春居易校賓客分司東來特蒙侍中於興化里池上宴送今

許龍門潭上期聚散但慙長見念榮枯安敢道相思功成名遂來雖久雲臥山遊去未遲聞說風情筋力在只如初破蔡州時

奉和晉公侍中蒙除留守行及洛師感悅發中

斐然成詠之作

鸞鳳翱翔在寥廓。貂蟬蕭灑出埃塵。致成堯舜昇平代。
收得夔龍強健身。拋擲功名還史冊。分張歡樂與交親。
商山老皓雖休去。終是留侯門下人。

送劉五司馬赴任硖州兼寄崔使君

位下才高多怨天。劉兄道勝獨恬然。貧於揚子兩三倍。
老過榮公六七年。筆硯莫拋留壓案。簾瓢從陋也銷錢。
郡丞自合當優禮。何況夷陵太守賢。

菩提寺上方晚眺

樓閣高低樹淺深山光水色暝沈沈嵩煙半卷青綃幕
伊浪平鋪綠綺衾飛鳥滅時宜極目遠風來處好開襟
誰知不離簪纓內長得逍遙自在心

楊柳枝詞八首

六么水調家家唱白雪梅花處處吹古歌舊曲君休聽
聽取新翻楊柳枝

陶令門前四五樹亞夫營裏百千條何似東都正二月

黃金枝映洛陽橋

依依裊裊復青青勾引春

一作清

風無限情白雪繁空

撲地綠絲條弱不勝鶯

紅板江橋青酒旗館娃宮暖日斜時可憐雨歇東風定

萬樹千條各自垂

蘇州楊柳任君誇更有錢唐勝館娃若解多情尋小小
綠楊深處是蘇家

蘇家小女舊知名楊柳風前別有情剝條盤作銀環樣
卷葉吹為玉笛聲

葉含濃露如啼眼枝裏輕風似舞腰小樹不禁攀折苦
乞君留取兩三條

人言柳葉似愁眉更有愁腸似柳絲柳絲挽斷腸牽斷
彼此應無續得期

御定全唐詩卷四百五十四

欽定四庫全書
欽定全唐詩卷一百五十五

集部

御定全唐詩卷一百五十五

白居易

讀老子

言者不如知一作知者默此語吾聞於老君若道老君是

知者緣何自著五千文

讀莊子

莊生齊物同歸一我道同中有不同遂性逍遙雖一致

鸞凰終校勝蛇蟲

萬首絕句作去國辭家謫異方中心
自怪少憂傷為尋莊子知歸處認得

無何是

本鄉

讀禪經

須知諸相皆非相若住無餘却有餘言下忘言一時了
夢中說夢兩重虛空花豈得兼求果陽一作物談如何更
覓魚攝動是禪禪是動不禪不動即如如

感興二首

吉凶禍福有來由但要深知不要憂只見火光燒潤屋

不聞風浪覆虛舟
名為公器無多取
利是身災合少求
雖異匏瓜難不食
大都食足早宜休

魚能深入寧憂釣
鳥解高飛豈觸羅
熱處先爭炙手去
悔時其奈噬臍何
尊前誘得猩猩血
幕上偷安鷺鷺窠
我有一言君記取
世間自取苦人多

問鶴

烏鳩爭食雀爭窠
獨立池邊風雪多
盡日蹋冰翹一足
不鳴不動意如何

代鶴答

鷹爪攫雞雞肋折鶻拳楚雁雁頭垂何如斂翅水邊立
飛上雲松棲穩枝

間臥一作居有所思二首

向夕寒簾簾臥枕琴微涼入戶起閒襟偶因明月清風夜
忽想遷臣逐客心何處投荒初恐懼誰人繞澤正悲吟
始知洛下分司坐一日安閒直萬金

權門要路是一作足身災散地閒居少禍胎今日憐君嶺

南去當時笑我洛中來蟲全性命緣無毒木盡天年為
不才大抵吉凶多自致李斯一去二疎迴

喜間

蕭灑伊嵩下優游黃綺間未曾一日悶已得六年閒魚
鳥為徒侶煙霞是住還伴僧禪閉目迎客笑開顏興發
宵遊寺慵時晝掩關夜來風月好悔不宿香山

詩酒琴人例多薄命予酷好三事雅當此科而
所得已多為幸斯甚偶成狂詠聊寫媿懷

愛琴愛酒愛詩客多賤多窮多苦辛中散步兵終不貴
孟郊張籍過於貧一之已歎開於命三者何堪併在身
只合飄零隨草木誰教凌厲出風塵榮名厚祿二千石
樂飲閒遊三十春何得無厭時咄咄猶言薄命不如人
寄明州于駙馬使君三絕句

有花有酒有笙歌其奈難逢親故何近海饒風春足雨
白鬚太守悶時多

平陽音樂隨都尉留滯三年在浙東吳越聲邪無法用

莫教偷入管弦中

何郎小妓歌喉好嚴老呼為一串珠

嚴尚書與于駢馬詩云莫惜歌喉一

串珠海味腥鹹損聲氣聽看猶得斷腸無

閒臥

薄食當齋戒散班同隱淪佛容為弟子天許作閒人唯
置牀臨水都無物近身清風散髮臥兼不要紗巾

春早秋初因時即事兼寄浙東李侍郎

春早秋初晝夜長可憐天氣好年光和風細動簾帷暖

清露微凝枕簟涼窗下曉眠初減被池邊晚坐乍移牀
間從蕙草侵堦綠靜任槐花滿地黃理曲管弦聞後院
熨衣燈火映深房四時新景一作境何人別遙憶多情李

侍郎

新秋喜涼

過得炎蒸月尤宜老病身衣裳朝不潤枕簟夜相親樓
月纖纖早波風裏裏新光陰與時節先感是詩人

初夏閒吟兼呈韋賓客

孟夏清和月東都閒散官體中無病痛眼下未飢寒世
事聞常悶交游見即歡杯觴留客切妓樂取人寬雪鬚
隨身老雲心著處安此中殊有味試說向君看

哭崔二十四常侍

崔好酒放歌忘懷生死
知疾不起自為誌文

貂冠初別九重門馬鬣新封四尺墳薤露歌詞非白雪
旌銘官爵是浮雲伯倫每置隨身錙元亮先一作初為自
祭文莫道高風無繼者一千年內有崔君

奉酬侍中夏中雨後遊城南莊見示八韻

島樹間林巒雲收雨氣殘四山嵐色重五月水聲寒老

鶴兩三隻新篁千萬竿化成天竺寺移得子陵灘心覺

閒彌貴身緣健更歡帝將風后待人作謝公看角里年

雖老高陽興未闌佳辰不見召爭免赴杯盤

來詩云何處赴杯盤

送兗州崔大夫駙馬赴鎮

唐人絕句作送崔駙馬赴兗州

戚里誇為賢駙馬儒家認作好詩人魯侯不得辜風景

沂水年年有暮春

少年問

少年怪我問如何何事朝朝醉復歌號作樂天應不錯
憂愁時少樂時多

問少年

千首詩堆青玉案十分酒寫白金盃迴頭却問諸年少
作箇狂夫得了無

代琵琶弟子謝女師曹供奉寄新調弄譜

琵琶師在九重城忽得書來喜且驚一紙展看非舊譜
四弦翻出是新聲蕤賓掩抑嬌多怨散水玲瓏峭更清

珠顆淚霑金捍撥紅妝弟子不勝情

蕤賓散水皆新調名

代林園戲贈

乘侍中新修集賢宅成池館甚盛數往遊宴醉歸自戲耳

南院今秋遊宴少西坊近日往來頻假如宰相池亭好

作客何如作主人

戲答林園

豈獨西坊來往頻偷閒處處作遊人衡門雖是棲遲地不可終朝鑠老身

重戲贈

集賢池館從他盛。履道林亭勿自輕。往往歸來嫌窄小。
年年為主莫無情。

重戲答

小水低亭自可親。大池高館不關身。林園莫妬乘家好。
憎故憐新豈是人。

早秋登天宮寺閣贈諸客

天宮閣上醉蕭辰。絲管閒聽酒慢巡。為向涼風清景道。
今朝屬我兩三人。

曉上天津橋

一作閣

閒望偶逢盧郎中張員外攜

酒同傾

上陽宮裏曉鐘後天津橋頭殘月前空闊境疑非下界
飄颻身似在寥天星河隱映初生日樓閣葱蘢半出煙
此處相逢傾一醆始知地上有神仙

八月十五日夜同諸客翫月

月好共傳唯此夜境閒皆道是東都嵩山表裏千重雪
洛水高低兩顆珠清景難逢宜愛惜白頭相勸強歡娛

誠知亦有來年會
保得晴明強健無

對晚開夜合花贈皇甫郎中

移晚校一月花遲過半年紅開杪秋日翠合欲昏天白
露滴未一作不死涼風吹更鮮後時誰肯顧唯我與君憐

醉遊平泉

狂歌箕踞酒尊前眼不看人面向天洛客最閒唯有我
一年四度到平泉

題贈平泉韋徵君拾遺

箕穎千年後唯君得古風位留丹陛上身入白雲中蹀
靜心相背高低跡不同籠雞與梁燕不信有冥鴻

酬皇甫郎中對新菊花見憶

愛菊高人吟逸韻悲秋病客感衰懷黃花助興方攜酒
紅葉添愁正滿堦居士輩腥今已斷仙郎杯杓為誰排
媿君相憶東籬下擬廢重陽一日齋

夜宴醉後留獻裴侍中

九燭臺前十二株主人留醉任歡娛翩翻舞袖雙飛蝶

宛轉歌聲一索珠坐久欲醒還酩酊夜深初散又踟蹰
南山賓客東山妓此會人間曾有無

和韋庶子遠坊赴宴未夜先歸之作兼呈裴員

外員外亦愛先逃歸

促席留歡日未曛遠坊歸思已紛紛無妨按轡行乘月
何必逃杯走似雲銀燭忽一作忽拋楊柳曲金鞍潛送石
榴裙到時常晚歸時早笑樂三分校一分

集賢池答侍中問

主人晚入皇城宿
問客裴回何所須
池月幸間無用處
今宵能借客遊無

楊柳枝二十韻

并序

楊柳枝洛下新聲也
洛之小妓有善歌之者
詞章音韻聽可動人故賦之

小妓擣桃葉新聲
跕柳枝妝成剪燭後
醉起拂衫時繡履
嬌行緩花筵笑上遲
身輕委迴雪羅薄透
凝脂笙引簧頻煖
箏催柱數移樂童翻
怨調才子與妍詞便想人

如玉先將髮比絲風條搖兩帶煙葉貼雙眉口動櫻桃
破鬟低翡翠垂枝柔腰嫋娜羨嫩手歲蕤唉鶴晴呼侷
哀猿夜呌兒玉敲音歷歷珠貫字纍纍袖為收聲點釵
因赴節遺重重遍頭別一一拍心知塞北愁攀折江南
苦別離黃遮金谷岸綠映杏園池春惜芳華好秋憐顏

一作
翠

色衰取來歌裏唱勝向笛中吹曲罷那能別情多

不自持纏頭無別物一首斷腸詩

荅皇甫十郎中秋深酒熟見憶

煙景冷蒼茫秋深夜夜霜為思池上酌先覺甕頭香未
暇傾巾漉還應染指嘗醍醐慙氣味琥珀讓晶光若許
陪歌席須容散道場月終齋戒畢猶及菊花黃

老去

老去媿妻兒冬來有勸詞緩寒從飲酒衝冷少吟詩戰
勝心還壯齋勤體校羸由來世間法損益合相隨

送宗實上人遊江南

忽辭洛下緣何事擬向江南住幾時每過渡一作船頭應

一作
傷
問法無妨菩薩是船師

和同州楊侍郎誇柘枝見寄

細吟馮翊使君詩憶作餘杭太守時君有一般輸我事

柘枝看校十年遲

冬初酒熟二首

霜繁脆庭柳風利剪池荷月色曉彌苦鳥聲寒更多秋
懷久寥落冬計又如何一甕新醅酒萍浮春水波

酒熟無來客因成獨酌謠人間老黃綺地上散松喬忽

忽醒還醉悠悠暮復朝殘年多少在盡付此中銷

送姚杭州赴任因思舊遊二首

與君細話杭州事為我留心莫等閒
閣里固宜勤撫恤樓臺亦要數躋攀
笙歌縹渺虛空裏風月依稀夢想間
且喜詩人重管領遙飛一醜賀江山

渺渺錢唐路幾千想君到後事依然
靜逢竺寺猿偷橘閒看蘇家女採蓮
故妓數人憑問訊新詩兩首倩留傳
舍人雖健無多興老校當時八九年

杭民至今呼
余為白舍人

寄李相公

漸老只謀歡雖貧不要官唯求造化力試為駐春看

冬日平泉路晚歸

山路難行日易斜煙村霜樹欲棲鷗夜歸不到應閒事

熱飲三杯即是家

利仁北街作

草色斑斑春雨晴利仁坊北面西行踟蹰立馬緣何事

認得張家歌吹聲

洛陽堰間行

洛陽堰上新晴日長夏門前欲暮春遇酒即沽逢樹歇
七年此地作閒人

過永寧

村杏野桃繁似雪行人不醉為誰開賴逢山縣盧明府
引我花前勸一杯

往年稠桑曾喪白馬題詩廳壁今來尚存又復
感懷更題絕句

路傍埋骨萬草合壁上題詩塵蘚生馬死七年猶悵望
自知無乃太多情

羅敷水

野店東頭花落處一條流水號羅敷芳魂豔骨知何處
春草茫茫墓亦無

路逢青州王大夫赴鎮立馬贈別

大旆擁金羈書生得者稀何勞問官職豈不見光輝赫
赫人爭看翩翩馬欲飛不期一作前歲尹駐節語依依

前年春余為河
南尹王為少尹

和楊同州寒食乾坑會後聞楊工部欲到知予

與工部有宿醒

夜飲歸常晚朝眠起更遲舉頭中酒後引手索茶時拂
枕青長袖欹簪白接羅宿醒無興味先是肺神知

和劉汝州酬侍中見寄長句因書集賢坊勝事
戲而問之

洛川汝海封畿接履道集賢來往頻一復時程雖不遠

百餘步地更相親

汝去洛程一宿履道集賢
兩宅相去一百三十步

朱門陪宴

多投轄青眼留歡任吐茵聞道郡齋還有酒花前月下

對何人

池上二絕

山僧對棋坐局上竹陰清映竹無人見時聞下子聲

小娃撐小艇偷採白蓮迴不解藏蹤跡浮萍一道開

白羽扇

素是自然色圓因裁製功颯如松起籟飄似鶴翻空盛

夏不銷雪終年無盡風引秋生手裏藏月入懷中塵尾
班非疋蒲葵陋不同何人稱相對清瘦白鬚翁

五月齋戒罷宴徹樂聞韋賓客皇甫郎中飲會
亦稀又知欲攜酒饌出齋先以長句呈謝

妓房匣鏡滿紅埃酒庫封瓶生綠苔居士爾時緣護戒
車公何事亦停杯散齋香火今朝散開素盤筵後日開
隨意往還君莫怪坐禪僧去飲徒來

閒園獨賞

因夢得所寄蜂鶴之詠因成此篇以和之

午後郊園靜晴來景物新雨添山氣色風借水精神水
日若為度獨遊何所親仙禽狎君子芳樹倚佳人蟻鬪
王爭肉蝸移舍逐身蝶雙知伉儷蜂分見君臣春蠶蠕形
雖小逍遙性即均不知鵬與鵠相去幾微塵

種柳三詠

白頭種松桂早晚見成林不及栽楊柳明年便有陰春
風為催促副取老人心

從君種楊柳夾水意如何準擬三年後青絲拂綠波仍

教小樓上對唱柳枝歌

更想五年後千千條麴塵路傍深映月樓上闇藏春愁
殺閒遊客聞歌不見人

偶吟

好官病免曾三度散地歸休已七年老自退閒非世棄
貧蒙強健是天憐韋荆南去留春服王侍中來乞酒錢
便得一年生計足與君美食復甘眠

池上即事

移牀避日依松竹解帶當風挂薜蘿鋗砌池心綠蘋合
粉開花面白蓮多久陰新霽宜絲管苦熱初涼入綺羅
家醞瓶空人客絕今宵爭奈月明何

南塘暝興

水色昏猶白霞光闇漸無風荷搖破扇波月動連珠蟋
蟀啼相應鴛鴦宿不孤小僮頻報夜歸步一作尚踟蹰路

小宅

小宅里間接疎籬雞犬通渠分南巷水窗借北家風庾

信園殊小陶潛屋不豐何勞問寬窄寬窄在心中

諭親友

適情處處皆安樂大抵園林勝市朝煩闌禁華猶易過
優閒福祿更難銷自憐老大宜疎散却被父親歎寂寥
終日相逢不相見兩心相去一何遙

龍門送別皇甫澤州赴任韋山人南遊

隼旛歸洛知何日鶴駕還嵩莫過春惆悵香山雲水冷
明朝便是獨遊人

劉蘇州寄釀酒糯米李浙東寄楊柳枝舞衫偶

因嘗酒試衫輒成長句寄謝之

柳枝漫踢試雙袖桑落初香嘗一杯金屑醕濃吳米釀
銀泥衫穩越娃裁舞時已覺愁眉展醉後仍教笑口開
慙媿故人憐寂寞三千里外寄歡來

詔授同州刺史病不赴任因詠所懷

同州慵不去此意復誰知誠愛俸錢厚其如身力衰可
憐病判案何似醉吟詩勞逸懸相遠行藏決不疑徒煩

人勸諫只合自尋思白髮來無限青山去有期野心惟
怕閑家口莫愁飢賣却新昌宅聊充送老資

寄楊六侍郎

時楊初授戶部
予不赴同州

西戶最榮君好去左馮雖穩我慵來秋風一筋鱸魚鱠
張翰搖頭喚不迴

韋七自太子賓客再除祕書監以長句賀而餞

之

韋往年嘗與
予同為祕監

離筵莫愴且同歡共賀新恩拜舊官屈就商山伴麋鹿

好歸芸閣狎鶴鸞落星石上蒼苔古畫鶴廳前白露寒

老監姓名應

一作題

在壁相思試為拂塵看

酒熟憶皇甫十

新酒此時熟故人何日來自從金谷別不見玉山頽疎
索柳花盤寂寥荷葉杯今冬問氈帳雪裏為誰開

九年十一月二十一日感事而作

其日獨遊香山寺

禍福茫茫不可期大都早退似先知當君白首同歸日
是我青山獨往時顧索素琴應不暇憶牽黃犬定難追

麒麟作脯龍為醢何似泥中曳尾龜

即事偶題

重裘暖帽寬氈履小閣低窗深地爐身穩心安眠未起
西京朝士得知無

將歸渭村先寄舍弟

一年年覺此身衰一日日知前事非詠月嘲風一作花先

要減登山臨水亦宜稀子平嫁娶貧中畢元亮田園醉
裏歸為報阿連寒食下與吾釀酒掃柴扉

看嵩洛有歎

今日看嵩洛迴頭歎世間榮華急如水憂患大於山見
苦方知樂經忙始愛閒未聞籠裏鳥飛出冇飛還

詠懷

隨緣逐處有安閒不入一作住

朝廷不住一作入

山心似虛

舟浮水上身同宿鳥寄林間尚平婚嫁了無累馮翊符

章封却還

時阿羅初嫁及同州官吏放歸

處分貧家殘活計匹一作正

如意

身後莫相關

詠老贈夢得


與君俱老也自問老何如眼澀夜先臥頭慵朝未梳有時扶杖出盡日閉門居嬾照新磨鏡休看小字書情於故人重迹共少年疎唯是間談興相逢尚有餘

御定全唐詩卷四百五十五

謹案卷四百五十四第十八頁前六行春風落日

心按長慶集日作第

金定四庫全書



總校官庶吉士臣張能照
校對官庶吉士臣許兆椿

謄錄舉人臣陳紹貴